

مجموعه سنون

از

جمعیت علمیه عثمانیه

ایکینجی پنه

محررم

نومرو ۱۳

استانبول

جمعیت علمیه عثمانیه مطبعه سنده طبع اولنشد

۱۲۸۰

شادکام اوله رق مطلوب اولان حسن ائتلاف حیرت حصوله
کلمش و بودخی حامی شریعت غرا اولان ذات شوکتسمات
حضرت پادشاهی ایله اهالی مذکوره نك متبوعلری بولنان حشمتلو
انکلتزه قرالچیه سی حضرت تلی طرفندن شو خصوصده سزاوار
بیور بلان هم و مساعدات سینه ثمره حسنه سی بولنش اولمغه
اهالی مزبوره کرک طرف اشرف حضرت پادشاهی یه و کرک
قرالچیه مشار ایها حضرت تلی جانبند لوازم شکرانیتک ایفا سی
ضمنده مخصوص تشکرنامه لر تنظیم و تقدیم ایتک نیتده بولنش لدر
مقدم امید برونندن آلدیغیز محررات مائه نظر اشواختلاف
تکون ایده لی الی سنه اولوب پک چوق سؤ حالاتی داعی اولمش
وشمدی یه قدر بالدفعه صور عیدیه ایله دفعی اسبابنه تشبیه
اولنش ایسده بر فائده سی کور یله مامش اولدیغی حالده
بودفعه افندی مومی الیهک از وقت ظرفنده تفرقه واقعه نك رفع
وازاله سبیله اصلاح ذات الینه ظفر یاب اولسی حقیقه حسن
موفقیه حضرت خلافتناهی آثار جلیله سندن اولدیغی
بی اشنباهدر

(خلاصه پو لیتقیه)

لهستان

لهستان مسئله سی حقنده انکلتزه و فرانسه و اوستریا دولتلری
طرفندن ایکنجی دفعه و لقی اوزره بشقه بشقه روسیه دولته اجرا
اولنان تبلیغات روسیه دولتی طرفندن جواب کوندرلش

ایستاده هنوز محارینه وصولی استخبار اولنه مدیخی مثلانونه مآ کده
اولدیغی دخی اکلا شیه مامشدر . تحقیقات اخیریه کوره
دول ثلثه نك روسیه دولته وقوعبولان تکلیفاری الی ماده دن
عبارت اولوب بونلر دخی اولا روسیه دولتی طرفندن لهلول
حقنده صورت مطاقهده عفو عمومی اعلان قلمسی ثانیاً لهستانده
برملت مجلسی تشکیل اولمسی . ثالثاً لهلوزك مأموریت دولته
استخدام اولنه رق لهستانده بر اداره ممتازه و مخصوصه
تأسیس ایدلمسی . رابعاً لهستانده سر بستی مذهب اصولنك
کاملاً اجرا و قتولیک مذهبی حقنده نامساعد اولان بعضی اصول
جاریه نك الغا قلمسی خامساً له لساننك لسان رسمی اتخا ذیله امور
حکومته و محاکم و مکاتیده استعمال و سادسا لهستانده عسکر تحریری
خصوصنك بر صورت منتظمه ایدخال اولمسی خصوصاً لیدر .
روسیه دولتنك اشبو تکلیفاته فصل جواب ویره جکی معلوم
اولدیغی حالده له اداره ملیه سی طرفندن وقوعبولان اعلانه
لهلولك ترك سلاح ایتسی آتی الذکر شروط سته یه موقوف اولدیغی
بیان اولمشدر .

اولا حکومت ملیه طرفندن دولتر نزدیکه کوندریله جک سفرانك
رسماً قبولی ثانیاً دول ثلثه طرفندن دایمارقه واسوج دوتخاسیه
متفقاً حرکت ایتك اوزره بحر بالطغه بفرقه سفاین حریه
ارسالی ثالثاً لهستانه فرانسه و اوستریا طرفندن بر مقدار عسکر
اعزامی رابعاً روسیه عسکرینك لهستان فی تخلیه ایله حدوده
چکلمسی خامساً موقتاً بر حکومت ملیه تشکیلی سادساً در عقب برملت

مجلسی کنسادیله شو اساسلر اوزرینه مذاکرات لازمه تک اجراسی
ایچون وارشاوده برقو نفرانس عقدی و بونده لهستان اداره
ملیه سی طرفندن برمرخص بولندیلسی .
لهستانده مکاکان محاره به دوام اوزره اولوب بعضاً لهلول و بعضاً
روسیده لهلول مظهر غلبه اولمقده و غزتدک روایت کوره روسیه
جزالی مورایفک مغلوبین حقنده فوق مایتصور معاملات غدارانه
اجرا ایتکده در .

یونانستان

یونانستان ایچون قرال انتخابی مسئله سی خیلی وقت ممتد
اوله رق نهایت تسویه پذیر اولمش و قرال جدیدک عهد قریبه
آئنده ورودی منتظر اولدیغدن ارقق یونانستانده آسایش حال
تقرر اولمش ظن اولندیغی حالده بو دفعه آئنده تکرار بر اختلال
ظهور یله خلیجه سفک دمای موجب اولمشدر شویله که برعناستره
النجلا ایتش اولان بر طاقم جدیدک اخذ و کرفت ایچون حکومت
طرفندن حریبه وکیلنه بر مقدار عسکر ارسانی تکلیف اولندقدده قبولدن
امتناع ایتش و بونک اوزرینه وکیل مومی الیه حبس اولمش اولمغله
عسکری طاقی وکیل مومی الیهی استصحاب ایدرک وکلادن
(قوموندروس) و (کافورناسی) اخذ و کرفت ایدرک حریبه وکیلنک
سبیلی تخلیه اولندقجه مومی الیهی توقیف ایده جکله رینی
بیان ایتشدردر بونک اوزرینه ضبطیه نفراتی دخی عسکری
طاقه منضم اوله رق ماه حالک اون اوچنچی و اون دردنجی کونلری
بونلرایله حکومت طرفدارانی بنشده شهر داخلنده بر محاربه

عظیمه وقوعبولش و طرفیندن اوج درتیزوزقدر ادم مقتول و مجروح اولمشدر بعده آتنده مقیم دول اجنبیه سفرا سنک توسططیله اختلال تسکین اولنوب طرفینک موافقتیله برحکومت جدیده تشکیل اولنش واصل سبب فساداولان عسکری گروهی ایالاته اعزام قلمشدر .

بعض غزنه لک روایتنه کوره شو اختلالک قرال جدیده زیاده سوء تأثیری اوله رق یونانستانده بر مدت مقدار کافی انگلیز عسکری اقامه اولند قبحه اوراده اقامته امنیت ایده میه جکئی انگلیز دولته رسما اخبار ایلمشدر .

ممالک مجتمعه امریقا

شمال اردوسی جزالاردن غرانت معینده یوزیک عسکر اولدیعی حالده و یقسبورغ شهرینی حصر و تضییق ایتمکده ایسده جنوبولر طرفندن شجیعانه مقاومت اولندیغندن شمدی یه قدر تسخیرینه موفق اوله مامشدر . شمال جزالاردن بانقس کچن ماه مایسک یکر می یدیسند پورت هودسون شهری اوزرینه اوج قولدن هجوم ایدرک محاربه عظیمه وقوعبولش و بوقعه ده شمالولر طرفندن درتیک قدر ادم مقتول و مجروح اولمشدر . جنوبولر یوزیک عسکر ایله پانسیلوانی طرفنه هجوم ایتمک اوزره اولوب محل مذکور حکومتی بوکا مدافعه ایچون التمش بیک کوکلو عسکر تدارک ایتمک اوزره ایسده عموم اهالی طرفندن مقابله اعداده حرکات غیورانه ظهوری مأمول اولدیغی روایت اولنقده در . جنوبولر سفایندن برسقینه ناتوکت نام محل پیشگاهنه شمالولره

متعلق قرق قطعه بالقجی کبسی غرق وتلف ایلشدن. شماللوردن
مجار باتده وفات ایدن اشخاصک اولاد و عیالاری طرفندن معاش
استدعاسیله حریبه نظارته تقدیم اولنان عرضالارک عددی
اون سکزیکه بالغ اولمشدر.

مکسیقا

مکسیقانک مواقع مستحکمه سندن اولوب بر از وقتدنبرو فرانسه
عساکری طرفندن حصر و تضییق اولنان پوئبلا شهری
کچن مایس افرنجینک اون یدیسنده بلا شرط تسلیم اولمش
و شهر مذکور داخلنده بولنان مستحفظین قوماندانلری بولنان
جنرال اورتیغایله برابر اسیر ایدلمشدر.

شهر مذکورک تسخیرندن صکره فرانسه عساکری مکسیقانک
پایتختی اولان مکسیکو شهری اوزرینه عزیمت ایدوب شهر
مذکور مستحفظینی دخی مقاومت ایده یه جکلرینی حس ایتلریله
شهری تخیله ایدرک بر طرفه چکلمش و بونلرک مخالفی اولان
طرف فرانسزلی شهره دعوت ضمننده جنرال فوره طرفنه ادملر
ارسال ایلش اوللریله حزیرائک بشنجی کونی فرانسه عسکری
شهر مذکوره داخل اولمشدر.

مکسیقاده نائل اولدیغی مظفریته مکافاه فرانسه عساکری
باش قوماندانی مشارایله جنرال فوره یه مارشاللق رتبه سی
اعطا اولمشدر.